



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

VIII. Widekind, Präceptor des Tempelordens, überläßt den Markgrafen Johann und Otto Soldin mit mehreren Dörfern, wogegen diese ihre Ansprüche auf Quartschen, Damm und andere Orte aufgeben, am 31. ...

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

VII. Herzog Boleslaus von Polen bezeugt, daß sein Vater Ladeslaus das ganze Land Küßtrin, ingleichen zwei zu Santoch gehörige Seen dem Tempelorden vereignet habe, am 13. Februar 1259.

In nomine patris Et filii et spiritus sancti Amen. Operationis Sancte propositum nulla debet occasio impedire. Ego igitur Bolezlaus, Dux Polonie, tenore presentium recognosco, quod clare memorie Lodezlaus, Dux Polonie, pater meus, matris mee Hadenigis nomine ac fratris mei Prymyzlonis simul et meo accedente consensu, pro mea parentumque meorum animabus Totam Terram, Cvsteryn vulgariter nuncupatam, cum Agris, villis, aquis ac omnibus utilitatibus ad eandem terram pertinentibus Terre sancte Jerosolomitane fratribusque Militie Templi contulit perhenniter et perpetue possidendam, theloneo nobis duntaxat de magnis nauibus allecia deportantibus reservato, a quorum solutione homines eorundem fratrum voluit esse liberos et immunes. Termini vero predictae terre a Myzla et Nezze fluviis ad Odram et usque ad limites Pomeranie protenduntur. Addidit preterea fratribus antedictis duos lacus Bothseowe et Ostviz ad castrum Zantoch olim pertinentes, alias ipsis conferens donationes, prout in ipsorum literis super hoc confectis plenius continetur, quas omnes de certa scientia confirmaui. Et ne aliqua perinde in posterum oriri possit calumpnia subscriptione testium et presentis sigilli munimine roboravi. Testes igitur sunt Pretpolcus, Palatinus, Boguphalus, Castellanus Poznanienfis, Nycholaus, Prepositus in Zantoch, et alii quam plures Clerici ac laici fide digni. Datum in Poznan, anno domini millesimo CC°. LIX°. III°. Idus februarii.

Nach dem Originale des Geh. Staatsarchives (R. 430).

VIII. Wibekind, Präceptor des Tempelordens, überläßt den Markgrafen Johann und Otto Soldin mit mehreren Dörfern, wogegen diese ihre Ansprüche auf Quartzen, Damm und andere Orte aufgeben, am 31. Dezember 1262.

Nos frater widekinus, domorum militie templi in alemania et flauia preceptor, volumus esse notum cristi fidelibus vniuersis, ad quos peruenerit presens scriptum, quod accedente fratrum nostrorum consilio et consensu super controuersia, que inter Illustrum principem dominum Iohannem, nec non inclitum germanum ejus dominum ottonem, marchiones brandenburgerfes, ex vna parte et fratres ejus atque domum ex altera vertebatur, presentibus domino Jordano, nostri ordinis presbitero, fratre Sifrido de Anvord, fratre Frederiko de Soltwedel, fratre Henrico de Elbeke, fratre Gerkino, prouifore domus in leznitze, et multis aliis fide dignis concordauimus cum eisdem marchionibus amicabiliter et sincere, Recognoscentes et protestantes dominorum dictorum fratrum nostrorum consilio pariter et voluntate, nos dimisisse eisdem marchionibus opidum cum omni iure, quod in ipso habuimus, insuper et has villas Clöznitz, warnik, Tamprofowe, pudignowe et witze cum earundem terminis et distinctio-

nibus, iuribus et utilitatibus, sicut eas dignoscimur usque ad hec tempora possedisse. Curiam quoque et stagnum soldin cum CCCis mansis et eorundem distinctionibus ex utraque parte aque mizle huc usque habitis, cum omni iure et libertate dimissimus simpliciter marchionibus antedictis. In restaurum vero honorum predictorum ipsis libere dimissorum renuntiaverunt marchiones omni actioni et iuri, quod habere videbantur in hiis bonis nostris, videlicet curia Quartzan, tyscher, willekinesdorp, torbamstorp, boguzlawe, dargumizle, Obran, damme, Carkzowe, Gutstorp et nywik, conferentes insuper nobis et domui nostre villam culinkze cum aliis villis prenotatis et earundem distinctionibus, de heredum suorum approbatione voluntaria et assensu, cum omni iuris et iudicii integritate et libertate, proprietatis titulo perpetue possidendos et nullum nobis prorsus in eisdem bonis tedium deinceps facient aut grauamen. Ut igitur premissa dictis Marchionibus et ipsorum heredibus maneant futuris temporibus inconuulsa, presentem paginam conscribi fecimus et sigilli nostri munimine roborari. Acta sunt hec in Turglowe, anno domini M^o. CC^o. LXII^o., pridie Kal. Januarii, adhibitis testibus ydoneis, quorum nomina sunt hec: frater Gozwinus de Madeburg et cetera.

Aus einem Copialbuche des Geh. Staatsarchives (I. Cod. 4 in quarto).

IX. Cardinal Guido bestätigt als päpstlicher Legat einen Vertrag der Bischöfe von Camin und Lebus, wornach das Land Küstrin der Diocese des letztern, dagegen das Land Chinz der Diocese des erstern Bisthumes angehören soll, am 7. Dezember 1266.

Venerabili patri Dei gracia Episcopo Caminensi, frater Guido, miseratione diuina tituli sancti Laurencii in Luc. presbiter Cardinalis, apostolice sedis legatus, Salutem in domino sempiternam. Cum a longe retroactis temporibus super limitibus Lubucensis et Caminensis diocesis discordia haberetur et ipsa per uenerabilem patrem et archiepiscopum Liunie, Estonie et Prutzie, apostolice sedis legatum, per modum pacis amoto iuris strepitu concordata fuerit et sedata, ita quod terram Cofterin deinceps ecclesia Lubucensis possidere debeat et terram Chintz cum suis attinenciis integre Caminensis ecclesia possidebit, quibusdam in eadem terra Chintz exceptis decimis, vni duntaxat prebende pertinentibus capituli Lubucensis, supplicasti nobis humiliter ipsam concordiam, ordinationem seu sedacionem a nobis qua fungimur autoritate confirmari. Nos autem eandem, prout iuste facta est, confirmamus et tenore prefencium comunimus. Datum Magdeburgi, septimo ydus decembris, pontificatus domini Clementis Pape quarti anno secundo.

Nach dem Caminschen Copialbuche des Pommerschen Provinzial-Archives.